

Tarnimikkut nappaatilinnut immikkoortortaqarfimmi napparsimasup allagarsiaanik/nassiussarsiaanik, napparsimmavimmi inigisaanik, pigisaanik, timaalu satsillugu misissuineq, kiisalu pigisanik assigisaannillu arsaarinnineq suujunnaarsitsinerlu pillugit Namminersorlutik Oqartussat nalunaarutaat nr. 14, 2. december 2013-imeersoq

Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu Inatsisartut inatsisaanni nr. 24-mi, 3. december 2012-imeersumi § 29, imm. 4 naapertorlugu aalajangersarneqarput:

§ 1. Inatsisartut inatsisaanni § 29 naapertorlugu makkununga tunngatillugu nakorsaanerup aalajangigai

- 1) napparsimasup allagarsiaasa/nassiussarsiaasa ammarneqarnissaat misissuivigineqarnissaallu,
- 2) napparsimasup uninngaviata inip pigisaasalu misissuivigineqarnissaat,
- 3) napparsimasup timaa satsillugu misissuivigineqarnissaa, napparsimasoq pillugu allattugaatinut nalunaarsorneqassapput.

Taamatuttaaq suut nakorsaatinik, aangajaarniutinik imal. sakkunik ulorianartunik napparsimasumut eqqussisoqarsimaneranik eqqussiniartoqarneranilluunniit pasitsaassinnermut tunngavilersuutaanersut, allattugaatinut nalunaarneqassapput.

§ 2. Napparsimasup allagarsiaanik/nassiussarsiaanik inigisaanillu misissuineq sapinngisamik napparsimasoq isigitillugu ingerlanneqassaaq. Napparsimasup nappaammik peruluuteqarnera peqataanginneranut patsisaappat, aatsaat napparsimasoq peqataatinnagu misissuinerit ingerlanneqarsinnaapput.

§ 3. Napparsimasup allagarsiai/nassiussarsiai Inatsisartut inatsisaanni § 29-mi taamaallaat taaneqartunik nakorsaatinik, aangajaarniutinik imal. sakkunik ulorianartunik imaqarnerisut misissuivigineqarsinnaapput. Allagarsiani/nassiussarsiani inuttaannut allakkat atuaqqusaanngillat.

Imm. 2. Nassiussarsiat kisimik nalunaarummi matumani pineqarput. Allakkat/nassiussat napparsimasumit nassiussat pineqanngillat.

§ 4. Nakorsaait, aangajaarniutit sakkullu ulorianartut § 1-imi iliuuseqarnermi arsaarinnissutaasut, napparsimasumut tunniunneqarnissaasa illersorneqarsinnaalernissaata tungaanut immikkoortortami toqqortarineqassapput. Nakorsaait, aangajaarniutit sakkullu ulorianartut inatsisinik nalinginnaasumik unioqqutitsilluni pigineqarnerisut, nakorsaanerup politiinut aalajangiivigisassanngortissinnaavai. Nakorsaait, aangajaarniutit sakkullu ulorianartut suujunnaarsinneqarnissaat politiit aalajangiivigisinnaavaat.

§ 5. Nalunaarut 16. december 2013 atuutilersinneqarpoq.

Namminersorlutik Oqartussat, ulloq 2. december 2013

Steen Lyngø

/

Ann Birkekær Kjeldsen